

西藏圖考卷之二

楚南黃沛翹壽菩甫手輯

滇南李培榮華廷甫付梓

楚南李文宏年壽廷
河間李文江蓉航 甫同校

西藏源流考 衛藏圖識有源流考甚畧是篇自諸書纂輯而成猶未敢云詳確也

西藏古為西南徼外諸羌戎地其先為伯夷甫炎帝之裔也舜徙三苗於三危三危者為喀木為危為藏喀木亦曰康即今打箭鑪裡塘巴塘察木多之地危亦曰衛即布達拉亦名拉撒詔今稱前藏藏即札什倫布本拉藏汗所治今稱後藏禹貢西戎即敘即松茂威保及衛藏諸羌是也

西藏圖考卷之二 源流考

秦時有羌無弋爰劍者 爰一作無弋爰劍羌人謂奴為無弋爰劍其名也被秦執以為奴隸故

稱無弋爰劍 為秦虜後得亡歸至曾孫忍時秦兵臨渭首滅狄

獯戎忍之季父邛畏秦威將其種人附落南出賜支河西數千里賜支者禹貢所謂析支也其後子孫支分各自為種凡百五十種發羌唐旄等名號不可殫記至吐蕃始祖鶻提勃罕野本發羌屬居析支水西以禿髮為國號語訛謂之吐蕃稍并諸羌土宇漸廣然猶未通中國 威州通志發羌唐旄

等居析支水西本南涼禿髮利鹿孤之後也利鹿孤有子曰樊尼初利鹿孤卒樊尼尚幼弟偃檀嗣位以樊尼為安西將軍後魏神瑞元年偃檀為西秦乞佛熾盤所滅樊尼招集餘眾投沮渠蒙遜以為臨松太守及蒙遜滅樊尼乃率眾西奔濟黃河踰積石居跋布川或邏娑川於羌中建國開地千里樊尼威惠夙著羣羌歸之如市遂改姓為勃

罕野以秃髮為國號語訛謂之吐唐初吐蕃贊普雄強為

蕃其國都城號為邏些城附參

為棄隸弄讚建牙於跋布川跋布川疑即今之雅魯藏布

居喇薩之地即唐時吐蕃建牙之所有古碑可其國都號

證以唐書考之亦當在今前藏布達拉之地也

為邏些城邏些於唐古特語為喇薩王為贊普相為大論

小論以統理國事於貞觀八年遣使朝貢太宗遣行人馮

德遐往撫慰之是為西藏通中國之始繼遣使隨德遐入

朝奉表求婚太宗未之許使者返言大國許嫁公主會吐

谷渾王入朝吐谷渾鮮卑種也去青海離間遂不許弄讚

遂發兵擊吐谷渾破黨項白蘭諸羌進頓松州西境邊人

大擾太宗遣侯君集牛進達等率步騎五萬擊之進達先

鋒自松州夜襲其營斬首千餘級弄讚大懼遣使謝罪復

請婚太宗以宗女文成公主妻之自是始終恭順及棄隸

縮贊立復請婚中宗以所養雍王女金城公主妻之至睿

宗時請河西九曲之地為金城公主湯沐所乃與唐境接

近自是連年犯邊開元十七年遣使往視金城公主贊普

欣然請和令其臣入朝上表並為公主請毛詩禮記左傳

文選各一部制令秘書省寫與之後以崔希逸襲破吐蕃

於青海復絕貢犯邊乾元時乘唐隙盡有西域肅宗朝吐

蕃遣使請盟郭子儀令於鴻臚寺插血以申蕃戎之禮廣

德元年因降將高庭暉入長安立廣武王為帝旋為郭子

儀設疑兵遁去德宗朝再約和好盟於清水貞元三年以
渾瑊充會盟使盟於平涼川吐蕃渝盟五年劍南節度使
韋皋遣將大破吐蕃殺其大兵馬使乞藏遮遮八年九年
連破吐蕃獲其大將贊熱十八年九道竝進拔七城遂圍
維州擒大首領莽熱獻俘於朝御製紀功碑褒之順宗永
貞十四年勅放蕃使論矩立藏等穆宗元年吐蕃遣使請
盟許之以劉元鼎充會盟使盟於長安二年四月元鼎奉
勅至吐蕃牙帳五月六日會盟訖迨唐末而種族分散無
復統一宋時亦號吐蕃修朝貢元憲宗始於河州置吐蕃
宣慰司都元帥府又於四川徼外置碉門魚通雅黎長河

西甯等處宣撫司世祖時復置烏斯藏郡縣其地以吐蕃
僧帕克斯巴爲大寶法王帝師領之嗣者數世明太祖懲
唐世吐蕃之亂思制御之惟因其俗尙用僧徒化導爲善
故洪武六年以攝帝師納木嘉勒藏博爲熾盛佛寶國師
給玉印置烏斯藏朵甘二指揮司及招討司萬戶府千戶
所以元國公納木喀斯丹拜嘉勒藏等領之永樂中復封
番僧爲大寶法王大乘法王大慈法王闡教王闡化王輔
教王贊善王護教王凡八王並給印誥或間歲來朝其地
皆倚中國之茶爲命而當時入貢者又優以茶布諸番戀
貢市之利且欲保世官故終明之世未嘗爲患此歷朝藏

事大畧也

國朝崇德七年西藏達賴班禪及藏巴汗青海固始汗各遣使繞塞外數萬里達

盛京奉書及方物並獻卦驗知必當一統明年遣使存問達賴班禪稱爲金剛大士是爲我

朝通西藏之始順治九年達賴來朝

世祖章皇帝賓之於太和殿建西黃寺居之及行餞之於南苑德壽寺授金冊印封西天大善自在佛領天下釋教普通瓦赤喇怛喇達賴刺麻令和碩親王碩塞以八旗兵送之其後遣使貢獻不絕西俗最尊者惟達賴刺麻班禪額爾德尼又有汗則蒙古部長爲之其代達賴刺麻理事者曰第巴康熙三十二年達賴入貢言已年邁國事決第巴桑結乞錫之封爵

西藏圖考卷之二

源流考

四

詔封第巴桑結爲土伯特國王賜金印達賴示寂桑結匿不以聞潛與準噶爾噶爾丹相爲表裏及召刺麻班禪胡圖克圖來京桑結又阻之不至四十四年拉藏汗誅桑結

聖祖嘉之封拉藏輔教恭順汗賜金印遣侍郎赫壽等安撫其地又因拉藏汗所請阿王伊西爲眞達賴刺麻其後準噶爾策妄阿喇蒲坦遣大台吉策零敦多布及宰桑吹音匹兒率精兵六千繞戈壁逾和闐大雪山由騰格里海北岸大

山冒險突入藏中無備破布達拉殺拉藏汗焚毀寺廟迫逐僧眾時達賴刺麻移居西甯塔兒寺五十七年

特命皇十四子爲撫遠大將軍屯兵於青海之木魯烏蘇

木魯烏蘇卽木

魯河華言通天河乃西甯西藏之界

居中調度將軍傅爾丹富甯安分出巴

里坤阿爾台以獵其北而將軍噶爾弼出四川將軍延信出青海兩路搗藏是時蒙古汗王貝勒台吉各自率所部兵或數千或數百於五十九年春隨大兵護送西甯塔兒寺眞達賴刺麻入藏軍容甚盛策零敦多布由中路自拒青海軍而分遣其宰桑以兵三千六百拒南路南路將軍噶爾弼招撫裏塘巴塘番衆進至察木多奪洛隆宗三巴橋之險旋奉大將軍檄俟期並進噶爾弼恐師久糧匱用副將岳鍾琪以番攻番之計卽招土司爲前驅適副都統伍格帶江浙滿兵偕雲南總兵官趙坤等官兵由中甸一路而來遂統率以進克拉里取墨竹工卡集皮船渡噶爾招穆倫口降番兵七千扼要塞險斷賊饜道分三隊直取西藏而青海軍亦由苦腦兒進勦三敗其中途劫營之賊於薄克河於嫩果兒於楚馬拉等處俘斬千計直抵藏地大軍會合賊台吉策零及其宰桑先後棄師遁衆大潰由雪山舊路北竄崎嶇凍餒得還伊犁者不及半達賴刺麻於是年九月十五日登座西藏平留蒙古兵二千戍之以

拉藏舊臣貝子康濟鼎掌前藏台吉頗羅鼎掌後藏

御製平定西藏碑文勒石大招寺振旅而還此康熙五十九年事也雍正初撤回官兵以貝子康濟鼎總理其地五年噶布倫阿爾布巴等叛殺康濟鼎後藏台吉頗羅鼎走避次年命左都御史查朗阿爲正帥率滿漢官兵八千餘員名由西甯出口散秩大臣周英等率川兵四千餘騎由霍耳雲南總兵官南天祥等率滇兵三千名由昌都三路進討未至而頗羅鼎率後藏及阿里兵九千截賊去路擒首逆經查朗阿等審實磔之藏地復安七年

詔封頗羅鼎爲貝子總藏事留大臣正副二人領川陝兵二千分

駐前後藏鎮撫之是爲大臣駐藏之始乾隆三年噶爾丹

策楞

策妄死子
策楞立

請入藏熬茶許之時貝子頗羅鼎懲前敗

訓練萬騎又練步兵萬有五千於通準夷各路嚴設卡倫噶爾丹自是不敢窺藏

羅鼎郡王十二年以其次子珠爾墨特襲封十五年以罪誅始不封汗王貝子設四噶布倫分其權而總於達賴刺麻以全藏地與之增駐藏大臣兵千有五百二十二年蕩平伊犁藏地始永無準夷患廓爾喀者本巴勒布國舊分葉楞部布顏部庫庫木部後又兼并哲孟雄作木朗洛敏湯諸部落吞并爲一遂與後藏以交易滋事由後藏行二

十驛至濟隴之鐵索橋爲藏地極邊踰橋而西則廓爾喀自古不通中國於乾隆五十五年內犯西藏侍衛巴忠將軍鄂輝成德等調停賄和未交一兵而糜餉百萬次年廓夷再舉深入後藏札什倫布西南左有曲多江鞏右有彭錯嶺峭壁連岡咽喉天險賊步卒數千自聶拉木入其時番漢官兵若分兩路一扼曲多江鞏遏其前一繞赴彭錯嶺截其後則廓夷深入無援可不戰潰也駐藏大臣保泰奏請移達賴於西甯移班禪於前藏欲以藏地委賊而仲巴呼圖克圖先遁刺麻濟仲札蒼等復託言卜諸吉祥天母不宜戰眾心遂潰賊大掠札什倫布全藏大震時鄂輝爲

四川總督成德爲四川將軍擁兵四千赴勦按程緩進

上知二人不足恃乃命嘉勇公福康安爲將軍超勇公海蘭察參

贊調索倫滿兵及金川屯練士兵進討明年二月將軍參贊由青海至後藏閏四月索倫兵二千土屯兵五千並藏內官兵三千皆集五月連敗其屯界之賊盡復藏地六月初大舉采入遣領隊大臣岱森保總兵諸神保等各出左右一路以分賊勢而大軍出中路海蘭察將三隊爲前軍福康安將二隊繼之大破賊於距濟隴八十里之鐵索橋入廓夷界追勦百六十里至協布魯又百數十里至東覺嶺六月九日至雍雅山廓夷震懾乞降不許復三路進攻

六戰六捷殺賊四千涉賊境七百餘里將近其國都廓酋再遣人詣軍前哀詞乞降時已八月恐過後大雪封山難返乃允之盡獻還所掠藏中財寶貢馴象番馬樂工請永遵約束班師留番兵三千漢蒙古兵一千戍藏自是二大臣儀注行事始與達賴班禪平等事權歸一此乾隆五十七年事也後藏至廓爾喀有定結大道必繞布魯克巴等部迂道月餘故我師由濟隴近路入左壁右湍不容一騎將軍參贊亦時步進故所貢象遶大路次年春始至前藏自大創以後至今貢獻不絕西藏始永無廓夷患初藏中皆習元帝師帕思巴所傳之紅教明時有宗喀巴者幼而

神異精通佛法修苦行著穆隆經初出家亦學經於紅教薩迦廟之呼圖克圖既成爲番眾所敬相傳其受戒時染僧帽諸色不成惟黃色立就故名黃教衣冠皆黃色盛行於衛藏及極西諸部落宗喀巴示寂遺囑二弟子世世以呼畢勒罕轉生演大乘教呼畢勒罕者華言化身也二弟子一曰達賴刺麻一曰班禪額爾德尼刺麻者華言無上也額爾德尼者華言光顯也相傳達賴爲觀音分體之光班禪爲金剛化身第二世達賴名根敦嘉木磋者於明正統時始以活佛聞於中國第三世達賴名鎖南嘉木磋教益盛紅教中大寶大乘諸法王皆俯首稱弟子化行諸部

東西數萬里熬茶膜拜視若天神諸番王徒擁虛位不復能施其號令是爲刺麻極盛之時相傳達賴刺麻每於圓寂時先示人以降生之處其弟子大堪布往訪得之小兒相見卽能相識或出一二語乃臨圓寂時事大著靈異嗣達賴六世班禪七輩後不復再來故登座者無復眞觀密諦祇憑垂仲降神指示垂仲者猶內地之師巫也又達賴班禪親族多營爲大呼圖克圖以專財利屢致盜禍

高宗久悉其弊乘用兵之後特運神斷創頒金奔巴瓶一供於前

藏之大招寺遇有呼畢勒罕轉生互報差異者納籤瓶中誦經降神大臣會同達賴班禪於宗喀巴前掣之惟嘉慶

西藏圖考卷之二

源流考

九

十三年第九世達賴靈徵眾著由駐藏大臣奏聞請

旨不復瓶掣是爲破格達賴刺麻之下有二呼圖克圖一爲

濟隆一爲第穆皆以所轄地名稱之又有二那門汗次於呼圖克圖其管理寺院講習經典之僧官皆名堪布最大者曰總堪布次曰通巴堪布達爾罕堪布有札薩克三人乃濟隆第穆兩呼圖克圖及兩那門汗理事之大僧官也其統理兵刑者曰噶布倫一作噶隆其主庫之僧官曰商卓特巴曰仔琿凡稱琿者亦作綳戴琿甲琿皆如之凡噶布隆商卓特巴仔琿有缺由駐藏大臣會同達賴刺麻選擬正陪二人請

旨補用餘皆會同揀放西藏綠營官兵六百二十一員名拉

里一百二十八員名察木多三百三十三員名先是額設步騎六萬四千步兵居五萬騎兵前藏三千後藏二千阿里五千稞壩千黑帳番蒙古共三千皆散在民間無常餉乾隆年改定有常餉兵如上數外江孜定日各設一守備不能多設戍兵僅備彈壓而已全藏所轄六十八城喀木九前藏三十後藏十八阿里十二所謂城者則官舍民居塹山建碉之謂量地大小人眾寡各設宗布木以理民設丁布木以理兵民居碉房其游牧之番及蒙古則居黑帳達賴刺麻所轄寺廟三千百有五十餘所班禪所轄寺廟三百二十七所

據乾隆二年理藩院造冊

藏地萬峰插天高輒冰凌窪

輒燠溽十里殊裘葛惟布達拉一區四山環衛如城無嚴寒無酷暑其土膏衍其人秀好其音華夏故吐蕃贊普都之以鞭撻四夷抗衡上國而宗喀巴卓錫後數萬里蒙古額魯特喀爾喀奔走其號令若驅攝於靈奇磅礴之中者至今飛閣流丹梵唄徹山谷爲西方極盛之區而班禪所居札什倫布次之每遇節期達賴升座講甘珠爾經丹珠爾經圜聽跪拜千計其大刺麻學道能轉世者達賴班禪印證之得爲胡圖克圖分掌教化其刑有番律四十一條甚酷其山則以阿里迤西三百餘里之岡底斯山爲天下大幹宗祖岡底斯者蔥嶺之南幹除北條黃河之內而外

凡南條之水若大小金沙江大小金沙江即雅魯藏布江下游

岷江若怒江若瀾滄江無一不源於西藏者其水則以雅

魯藏布江為正流橫亘於三藏之南諸水左右注之下游

為大金沙江由緬甸入南海源出岡底斯山東南三百餘里之達岡緋克哈巴布山

西北為狼干喀巴布山即岡噶江之源岡噶江繞阿里界

下游為恒河經厄訥特克國會諸水入南海佛書所稱恆

河即此水也又拉里以東之怒江瀾滄江故說禹貢者以

皆發源衛地各趨南海不入雅魯藏布江

大金沙江為黑水焉其邊界東南有貉獮野人在怒江前

藏則貉獮為正南以全正南有東西布魯克巴二部長一

藏形勢言之則為東南里廣五六百里有哲孟雄幅員百里介於廓爾喀布魯克

朗諸小部毘連後藏西南有廓爾喀見前其入藏四隘口

其南界為獨吉嶺西藏圖考卷之二源流考十一

拉木為正西為蔥嶺大山山以西如霍罕布哈爾基法

濟隴西北為葉爾羌昔回疆西四城之又北為和闐

隔興都哥南之邊境也川陝滇入藏之路有三惟雲南中甸之路峻

巖重阻故軍行皆由四川青海二路而青海路亦出河源

之西未入藏前先經蒙古草地千五百里又不如打箭鑪

內皆腹地外環土司故駐藏大臣往返皆以四川為正驛

而互市與貢道亦皆在打箭鑪云

續審隘篇

嘉慶三年西藏大臣松湘圃筠著西招圖略二十八條其

審隘篇云守邊之術宜乎審隘繪圖使各汛官兵熟悉道里阨塞方於緩急有益譬如藏地從前因防準噶爾侵犯故自前藏東北哈喇烏蘇直至西北極邊阿里一帶三千餘里原有卡防其後仰賴

天威勦滅準部迺除邊患今卡防久撤無庸備述至若西南有薩喀有濟隴有聶拉木有絨轄有喀達有定結有干壩有帕克哩一帶既爲沿邊阨塞皆宜審辨詳識也聶拉木內有定日汛守備一員統領漢番弁兵鎮守自定日三站至聶拉木中隔通拉大山阨塞天然定日西八站至濟隴計有莽噶布堆官寨洋阿拉山鞏塘拉山宗喀城靈瓦昌峽

西藏圖考卷之二

續審隘篇

十二

察木卡山梁招提壁壘邦馨亦皆天然阨要定日西南距絨轄四站中有山峽崎嶇僅容一騎又由定日西南入山走札什宗隆邁三站至喀達邊隘

在絨轄迤東

中多阨險定日

西北遙通薩喀游牧界連阿里此定日以外之形勢也定日以內兩站至協噶爾官寨是爲大路官寨迤西數里巖峽聯絡一名羅哩一名果瓊拉實爲協噶爾屏障協噶爾迤南亦通喀達僅四站

路狹更有吉拉大山

東南經□□瑪布甲仲

烏拉山直抵薩迦廟

路坦

巴勒布卡契等貿易往復經此是

爲通衢協噶爾以內兩站至甲錯大山中有羅羅塘汛大山迤西地名拉固隆固其西北越一大山係唐古特世家

波絨巴游牧東連洋阿拉西接鞏塘拉毗連薩喀東界其
甲錯木爲天險且有瘴氣內抵拉孜僅一站拉孜東南兩
站至薩迦坦路拉孜西北十站至宗喀沿途多險拉孜以內
五站至後藏札什倫布沿途險隘有四自西而東一曰科
頗拉一曰日東巴一曰彭錯嶺一曰格登山峽因於彭錯
嶺東巖道築卡爲隘此後藏迤西直抵拉孜之右路亦通
衢也自格登山峽西南直抵拉孜之捷徑中有珠鄂隴山
峽僅容一騎是爲中路最爲險要因於珠鄂隴築卡爲隘
自札什倫布西走那爾湯越達克拉平山山離札什倫布六十餘里儘可
設伏爲後招保障至崗堅刺麻寺分路西南通朗拉山此後招重
門保障今

西藏圖考卷之二

續審隘篇

十三

仿八陣之法於嶺頭堆立鄂博六十有四經察隴蠻寨曲多江鞏阿尼鞏三處

卡隘過阿仲拉大山轉西卽至薩迦是爲左路卽貿易通

衢薩迦西南亦通喀達邊隘

係由瑪布甲春堆宜霞爾楚固爾隆邁等處共五站至喀

達自喀達沿邊東行四日可達定結邊隘自札什倫布經

那爾湯對面入南山走仁津孜塔克及拉固隆固

此一帶九山九

溝險隘頻仍

共行四日至定結而札什倫布東九里有白朗

官寨此寨東南入山經堆瓊官寨金谷爾拉等山

金谷爾拉一帶

皆爲扼要

走錯莫志通海子南岸共行六日至定結由定結東

行一站至干壩又東三站至帕克哩

帕克哩本名那木結噶爾布不產稞麥

是爲藏地南界此外東接布魯克巴所屬巴珠布拉小部

而西南毗連哲孟雄部哲孟雄人民雖大半已被廓爾喀
侵佔然其部中有大河名藏曲所有河北百餘戶仍能保
護部長依河據險堅守自固蓋藏曲水深溜急難度源自
喀達一帶眾水匯流至布魯克巴界而南入噶里噶達部
唐古忒謂南界有水城無庸戍多兵是爲邊外阨塞帕克
哩以內四站至江孜沿途多有阨塞由江孜至康瑪爾一
帶有連山叢石自康
瑪爾迤南間有山峽而帕克哩東西
南三面皆山北有海子名薩木錯江孜亦設守備統領
漢番弁兵鎮守所有定日江孜二汛皆屬後藏都司統轄
自前藏西南行七日共六百餘里至江孜而西過白朗共
行二百餘里乃至札什倫布此前藏直達後藏之正路至

沿途阨塞自前藏起有曲水有巴則有春堆皆在江孜以
內而江孜迤東有錯納有工布均爲前藏南界邊隘前藏
有通札什倫布捷徑係由巴則山陽西北經行仁本山溝
較之正路可近兩站尙有北道由札什倫布東北渡江走
陽巴井游牧共十站卽抵前招路程與正路相等險有德
慶東山巖道有巴布賴長嶺有瑪爾江有喇湯皆爲阨要
如由陽巴井東北行三站可抵達木蒙古游牧自此東北
一帶毗連三十九族游牧而正東緊接哈喇烏蘇直達西
甯均係草地由哈喇烏蘇轉向西南過呼徵經達隆共行
九站可抵前招中有阨塞不甚險要此衛藏圍圓大概僅

述要隘以示汛官以重操防也翹按此篇雖舉全圖言之

而於後藏西南一帶獨詳其時固防廓夷患也然則何爲

而續耶蓋察地輿者貴原委之週知而談軍務者貴險要

之備悉今英吉利占據五印度兼并廓爾喀哲孟雄諸部

鐵路已開至獨吉嶺其言重在通商而唐古特部眾又復

迭次阻撓難保不激生變故且邊野番雜處萬一乘機

竊發處處堪虞是則南界之防尤今日之急務也查阿里

迤西岡噶江上游有拉楚河狼楚河皆東水西流合而南

下復折向東有麻楚河一作瑪楚河自阿里東南流出會之三

水既合始名岡噶江又東南流二百里出阿里界經馬木巴作木

西藏圖考卷之二

續審隘篇

十五

朗部落至厄納特克國入南海其疆域東自藏界麻爾岳木嶺一作瑪爾裕木嶺

向西二千一百餘里南自匝木薩喇嶺向北一千餘里東

北近岡底斯山週圍以岡噶江源流爲界疑卽唐書泥婆

羅明史尼八刺國地向爲頗羅鼐長子朱爾瑪特策登駐

防處有城十三有廟五其北界葉爾羌布魯特其西爲蔥

嶺雪山其南界廓爾喀昔爲洛敏湯作木朗地今併歸於廓阿里宗城一名堆噶

爾今爲邊商總匯之區北路由乾竺特逾蔥嶺可通俄羅

斯此阿里迤西地勢也其自阿里起沿廓爾喀境東南行

其要隘曰薩喀曰達卽拉山曰宗喀曰嗎爾曰滾達曰卓

黨曰濟隴曰俄隴曰索絨曰札木多曰聶拉木曰熱索橋

橋臨鈕楚河水發源滾達卓黨山南
經濟俄索聶等處出橋下入廓境 又從聶拉木北行至

絨轄逾通拉大山至定日汛又東南為札什宗為隆邁為

喀爾達有朋楚河會二水入哲境朋楚河發源定日西北向東流結楚河帕里河

皆自東北來會西南流入哲孟雄境下流入雅魯藏布江逾河北行至定結又東北至

干壩又東至帕爾又西南至噶里逾嶺即為哲部獨吉嶺

此阿里及後藏南邊要隘也其由帕克哩北行至熱龍西距

江孜汛一百四十里又東行至仁子又東為折拉為倫子為洛巴有

穆楚河自北來入奈楚河奈楚河發源仁子東趨折拉倫子洛巴南境折東南流入布魯

克巴逾穆楚河東行至咱義其雅魯藏布江由阿里迤北

之達木綽克喀巴布山發源曲折東趨受南北大小數十

西藏圖考卷之二

續審隘篇

河水橫貫全藏至甲噶咱義折東南流入貉猶野人境下流

經印度入南海由咱義東行逾雅魯藏布江又東過烏蘇江源出墨竹

工卡以北下流又東過桑楚河至薄宗桑楚河發源拉里以西之桑楚山東

南流經薄宗出都克里山為薄藏布河南又東繞龍川江

上游過怒江經洛隆至嘉裕橋再東繞道出王卡之西循

瀾滄江西岸又東南過江直抵雲南麗江府屬之維西廳

蓋藏南沿邊一帶之要隘如此且夫藏地層岡疊巘峻峭

插天皆發脈於岡底斯山而蜿蜒分布者也藏南沿邊一帶數千里夷

人統謂之希模黎雅大雪山急溜危湍縱橫匝地皆會歸於雅魯藏布

江而曲折南流者也惟極西之岡噶江與江卡以東之怒江瀾滄江三水各趨南海不入雅魯

江藏布 山河之險遠勝內地一夫把隘萬眾趨趨而其稱名

則難更僕數也後藏札什倫布東北行至江孜汛西南行至定日汛皆孔道而定日距邊較近尤爲四通八達是均

宜重兵鎮守者乾嘉間惟防廓爾喀故於濟隴聶拉木絨

轄喀達四口堆立鄂博置戍兵今哲孟雄一名西金布魯克巴

其會城名札什曲宗 諸部落將盡歸於英吉利疆場交錯玉帛兵戎

何常之有藏南沿邊一帶數千里地能不爲未雨綢繆之計詳審要隘而多設卡防也耶故曰察地輿者貴原委之週知談軍務者貴險要之備悉謹贅鄙言爲籌邊者之一

助云爾篇內獨吉嶺一作獨脊又名大吉嶺

西藏圖考卷之二 續審隘篇

十七

內地程站附考

是書專言西藏應從藏界甯靜山江卡叙起而成都至打箭鑪裡塘巴塘爲入藏正驛鑪裡巴三臺及察木多古名康亦稱前藏茲叙程站自成都起至鑪裡巴三臺附於卷首明來路也紀載從畧主客之分也
〔自四川省城至打箭鑪十一站計程一千零二十里〕

衛藏圖識作九百二十里西招圖畧作九百七十里西藏志作八百六十五里光緒四年黃楸材西

輞日記作十三站九百七十五里

成都府四十里 雙流縣尖六十里 新津縣宿計程一百五

里新津縣四十五里 斜江河尖六十里 邛州宿計程一百十

里邛州五十里 大塘舖尖五十里 百丈驛又名白站宿計

程一百五里百丈驛五十里 名山縣尖四十里 雅安縣宿

計程九十五里雅安縣五十里 觀音舖尖六十里 榮經縣

宿計程一百二十里榮經縣六十里 小關山尖六十里 清

溪縣宿計程一百二十里距清溪縣五里爲羊圈門

背夫於該處分路往泥頭驛較近十五里清溪縣出

南門走建昌出西門進藏二十五里 富庄俗名蠻庄尖四十

五里 泥頭驛宿清溪尉駐此計程七十里自過清溪後

路益加險泥頭驛三十里 林口尖三十里 化林坪宿計程

六十五里由林口二十里上飛越嶺山勢陡峻怪石

巉巖終年積雪內地第一險阻也山頂有隘過隘卽

下山十五里陡陂無駐足處至化林坪沈邊土司屬

山頂有一海子廣不過三里居民皆飲之化林坪三十

五里 冷磧尖四十里 瀘定橋宿計程八十里地稍溫暖河

卽瀘水有鐵索橋康熙四十年建東西長三十一丈

一尺寬九尺索九條覆木板於上有巡檢一員瀘定

橋四十里 大烹壩尖四十里 頭道水宿計程八十五里頭

道水高崖夾峙一水中流居民皆住山麓巖後瀑布

亦一大觀頭道水三十里 柳楊尖三十里 打箭鑪宿計程

六十五里

百打箭鑪至裡塘八站計程六百八十五里

西輜日記作十站計六百六十里

打箭鑪古旄牛國俗傳諸葛武侯南征遣將軍郭達

造箭於此出南門十里過工竹卡凡差使至此始照口

外例支應四十里折多宿計程五十里自此出口山川

奇險別開面目折多五十里提茹尖途中多產大黃藥

氣薰蒸過者氣喘三十里阿娘壩宿計程八十五里阿

娘壩三十里瓦切一作瓦磧尖二十里東俄落一作東惡

洛宿計程五十五里東俄落三十里高曰寺尖四十里卧

龍石宿計程七十五里西輜日記東俄落二十里山根三十里山頂高日寺二十

西藏圖考卷之二

內地程站附考

五里卧龍石附參卧龍石六十里八角樓尖六十里中渡宿計程

一百二十里中渡一名河口即鴉龍江也皮木船渡

過河為裡塘界中渡七十里剪子灣尖六十里西俄落一

作西惡洛宿計程一百三十五里按此站路甚險遠

難行且多夾壩夾壩猶言劫盜也行者或由中渡過河行三

十五里至麻盖宗地方一作麻盖中即宿以均程途

且戒脩焉西俄落四十里咱馬拉洞尖七十里火竹卡宿

計程一百十里咱馬拉洞防夾壩火竹卡二十五里火燒

坡尖二十里裡塘宿計程四十五里

百裡塘至巴塘六站計程五百四十五里

裡塘五十里頭塘宿卽公撒塘番名額凹奔松一作納

哇奔松此站人戶柴草俱無僅有塘舖行人須帶口

糧帳房頭塘四十里乾海子尖六十里喇嘛丫宿計程一

百五里此站下坡嶺爲夾壩出沒之所喇嘛丫五十里

二郎灣尖五十里立登三壩宿計程一百十里三壩番

語橋也此巴裡二塘交界處立登三壩五十里松林口

尖五十里過巴隆達河至大所塘宿計程一百里大所

塘九十里奔察木尖四十里小巴冲一作小壩冲宿計程

一百三十里小巴冲五十里巴塘宿

自巴塘至察木多十四站計程一千四百五里此處祇

〔叙內地四站計四百四十里〕西招圖畧自巴塘至察木多一千四百三十五里

巴塘或云卽白狼王唐敢之故地有丁林寺或云卽

古丁零羌之遺種其地方廣七百餘里袤千餘里四十里

里牛古渡尖五十里竹巴籠宿計程九十里自巴塘至

西藏途中有醉馬草馬食如醉輒疲乏不能行竹巴

籠渡江卽金沙江四十里公拉尖防夾壩九十里莽里卽

莽嶺宿計程一百三十里有熱傲供給差役凡熱傲

磔巴皆番稱頭人也莽里八十里南墩一作南登尖四十里

里古樹一作谷黍宿計程一百二十里由莽里行三

十里至邦木中有甯靜山爲內地西藏交界處勒有

界碑山以西爲藏地古樹里四十 普拉尖六十 江卡宿
計程一百里以後皆屬藏地另爲詳叙